



Info SECURITAS

Drage kolegice i kolege,

u ime Uprave Securitasa u Bosni i Hercegovini i svoje lično ime želim sretnu i uspješnu 2021 godinu Vašim porodicama i Vama. Nadam se da ćemo što prije biti u prilici da se vratimo svojim svakodnevnim životnim navikama, a posebno intenzivnijem druženju i kvalitetnijem provođenju vremena sa nama dragim osobama, što smo u proteklom periodu vrlo često bili uskraćeni, prije svega zbog brige i odgovornosti za zdravlje naših starijih članova porodica.

Iza nas je godina koja je u svakom pogledu bila najizazovnije od završetka rata u Bosni i Hercegovini. Na ličnom planu većina nas je direktno osjetila užas pandemije kroz obolijevanje članova porodice, prijatelja ili sopstvenu zarazu i ovim putem izražavam iskreno saučešće svim kolegicama i kolegama koje su izgubile člana porodice ili dragog prijatelja.

Na poslovnom planu, zajedno sa našim klijentima trpili smo udare ekonomske recesije izazvane pandemijom, koja je svima zadala žestok udarac u vidu smanjenja obima poslovanja, pa samim tim i prihoda, te poremetila proces naplate pruženih usluga ili prodatih roba.

Obzirom da svaka ekonomska kriza nosi ozbiljne sigurnosne izazove i povećava rizike, Securitas BH, iako i sam izložen posljedicama pandemije i recesije, imao je i ima veliku obavezu i odgovornost da se dokaže i iskaže kao dostojan i pouzdan partner, na koga se može računati u svakoj situaciji. Vrlo brzo smo uspjeli da upravljanje preduzećem i rukovođenje operacijama prilagodimo Planu za upravljanje kriznim situacijama, te preduzmemo dodatne mjere koje su obezbijedile poslovni kontinuitet. Zahvaljujući odgovornom i profesionalnom ponašanju svakog od Vas, nismo bili niti jednom u situaciji da ne možemo ispuniti ugovorne obaveze ili dodatne zahtjeve klijenta. Također, u protekloj godini nismo imali niti jedan ozbiljniji štetan događaj koji je posljedica naših grešaka ili neispunjavanja ugovornih obaveza, čime svakako svi možemo da se ponosimo.

Na kraju, još jednom Vam želim sve najbolje u Novoj godinu, uz molbu da nastavimo svi skupa sa odgovornim ponašanjem i pozitivnim razmišljanjem, kako bismo prije svega dočekali kraj pandemije u dobrom fizičkom i mentalnom zdravlju, a time ćemo i lično doprinijeti da kao kompanija budemo smatrani izuzetno pouzdanim i odgovornim partnerom u oblasti zaštite imovine i ljudi, što smo uvijek do sada i bili.

Srdačan pozdrav,

Zlatko Prndelj, Solution Manager

